

## 諫書

1978 卷 10 期 7-8

正

我國Canteen日前發生了不流血政變，鄰國謂能改善我國人民生活水準，竟攻佔我國之Canteen，執掌了政權。前Canteen執政者，只好退位讓賢，被迫下台，落敗而去。新政府爲了安撫民心，作出一連串的改革，企圖安定我國人民因局勢大變而極感徬徨之心。我等蟻民既無兵，又無權，乃砧板上的肥豬肉，餐碟上的牛扒，任由人宰割，生死大權亦操於他人手中，於是只有靜觀其變。

觀其初頭之措施，既未能達到安撫之目的，又未能改善生活要求，我等反而遭受到無理之剝削；物價無形地提高，使我等蟻民生活更感徬徨憂慮。我等蟻民本應對政事無權過問，但反觀歷史，歷代都有臣民諫梁王之例，誠如李斯之諫秦王；孟柯之諫梁惠王；又如魏徵諫唐太宗，岳飛諫宋高宗等等，實在是煩不勝舉。是者，我等蟻民才敢冒死上表獻諫，雖然不知後果會如何，但仍直言上諫，以表我等蟻民衷心之求。書曰：Medic canteen新開張，定必有番新氣象，民心雖然不思變，但望生活有改良。遺憾是：肉酸攪，世無雙，藍配橙色成乜樣，怪筆塗鴉掛在牆；醜怪老套兼核突，苦了眼睛確淒涼。

大笨象，揸枝槍，乘機起價等住搶，勢如老虎食綿羊，生活負擔加千担，從此食飯費思量。既然快餐食唔過，改食散餐袋亦傷，散餐款式已不多，各樣價錢又飛漲，對住餐牌企成日，餓壞肚皮餓壞腸，散餐不比快餐好，味道難嚼不敢嘗。

唉！情惆悵，恨意長，數清起碼成千丈，流埋可變大海洋。飯菜花款少，早晚都一樣，嚟嚟去去啲幾味，紅色橙色白色醬，一賣開二做百搭，腐乳鹹蛋加糖霜。雖有冰箱不大用，苦無凍水傾滿觴，想飲水時無水飲，動齒碎冰亦平常；英雄無用武之地，森林猛虎落平陽。

食物都係唔好提，講起措施激到漲。

賣飯票，老闆娘，唔該快D頸都長，條龍排到出門口，你重响度計理D

糊塗賬，Counter迫埋擺飯處，唸落理應打手掌，交通擠塞唔在講，隨時弄污靚衣裳。

枱面多碗碟，宜得掉出窗，Ping Ling Pound Loung打爛碗，只爲食飯非逞強；無名火，三千丈，鬧佢當你將歌唱，都係唔好咁張揚。

白飯自便，慘過去搶，我唔讓時你唔讓，爭住裝飯出洋相，D飯熱時有得傾，可惜D飯硬夾涼，難原諒，難原諒。

情況繼續如此下，勢難可望國泰昌，民心不保生計苦，捱貴飯餸認真傷，如果重唔快D改，出年定必換大將，到時唔知邊個淒涼過淒涼！壞收場！